



## “Di Bingeh de Dozeke Siyasî Ye, Ne Ya Hiqûqî Ye”

Bi Meral Danış Beştaş Re Gotûbêjeke Li Ser Doza Girtina HDP'ê Ya Li Tirkîyê

Îlon 2021

*Dadgeha Qanuna Bingehîn (AYM) ya Tirkîyê, 21'ê Hezîranê de nîrxandina doza girtina Partîya Demokratîk ya Gelan (HDP) qebûl kir, ya ku ji aliyê serdozgerekî li Enqerêyê hatibû amade kirin. Ev biryar, destpêka pêvajoyek dadwerî ya pir bi nîqaş bû ku dibe encamên mezin derxîne holê. HDP partîya duya ya herî mezin ya opozîsyona Tirkîyê ye û partîya welat ya herî mezin ya ku piranîya wê Kurd in, di parlamentoyê de nûnertîya berjewendiyên siyasî yê Kurdan dike. Bi bernameya partiyê ya pêşketî ku cihêrengiya civakî û pirrengiyê derdixe pêş; HDP jibo tevahîya civakên marjînal parêzerê herî bi deng yê parlamentoyê ye, tevî hemû kemhatiyên etnîkî, olî û cinsî.*

*Ger Dadgeh AYM biryara girtina HDP'ê bide, ev biryar ewê mafên bingehîn yê demokratîk yê bi milyonan hîlbijêran asteng bike—û hevdem dê rewabûna hîlbijartinên serokomarî û parlamentoya Tirkîyê yê di 2023'an de, bide nîqaş kirin. Di rewşa herî xirab de, girtina partiyê dikare bibe sedema alozî û tundûtûjîya civakî.*

*Ji sala 2015'an û vir ve, dema ku HDP di encama hîlbijartinan de, wek partîya yekê ku piranîya wê Kurd bûn di parlamentoya Tirkîyê de cîh girt, ew bûye armanca êrîş û givaştinên berdewamî yê hikûmetê û hevalbendên wê. Serokomar Recep Tayyîp Erdoğan, Partîya Dad û Pêşvebirinê (AKP) ya desthilatdar (AKP), û hevalbendê wê yê piçûk, Partîya Tevgera Neteweperest (MHP) ya nijadperest, hemû bi berdewamî HDP'ê bi Partîya Karkerên Kurdistanê (PKK) ya dij-qanûnî re wekhev dikin, ya ku wek rexistineke terorê hatiye destnîşan kirin, da ku partiyê nerewa bikin. Tevahîya 56 parlementerên HDP'ê bi îdaya têkilîya wan bi terorê re heye û jibo propagandaya li ser navê rêxistina terorê, rûbirûyê lêpîrsînên sûcdariya ne; tawanbariyên ku li ser destnîşankirineke pir berfireh ya terorê hatine avakirin. Bi hezaran endamên partiyê, tevî hevserokên wê yê berê û şaredarên hîlbijartî, bi tawanên terorê hatine desteser kirin. Gelek parlementerên HDP'ê, tevî parêzvanê mafên mirovan yê navdar Omer Faruk Gergerlîoğlu jî, bi sedemên bêbingeh ji parlamentoyê hatin avêtin.*

*Doza girtinê, qonaxa dawî ya vê pêvajoya şeş salan ya dijî HDP'ê tê meşandinê ye. Di îdîanameya mezin ya bi 843 rûpelî de, HDP jiber hevkarîya bi PKK'ê re û bi hewldana “hilweşandina yekîtîya dewletê” tê tawanbar kirin û her wiha jibo 451 endamên partiyê qedekirina ji siyasetê, tê daxwaz kirin. AYM dikare li dijî hikûmetê biryarê bide; bi*

*biryareke surprîz ya di Tîrmehê de, biryara berdana Parlementerê HDP'ê Gergerlioğlu da. AYM'ê got ku mafên Gergerlioğlu hatine bînpê kirin. (Parlamentoyê di 16'ê Tîrmehê de mafên wî ya parlementerîyê jinûve bi fermî pejirand û ew vegerîya parlamentoyê.) Di heman demê de, ev dadgeh xwedîyê dîroka girtina partîyên siyasî ye û dikare bo HDP'ê biryara girtinê bide. Dadwerîya Tirkîyê di bin zextên giran yê siyasî de ye. Hejayê bîrxistinê ye ku doza girtinê hema piştî bangên domdar yê serokê MHP'ê Devlet Bahçeli ve di vê biharê de, jibo dozêkî wiha, hat vekirin. Dadgeh, berîya ku biryareke bide ewê bê guman nerîna Erdoğan û hevalbendê wî MHP'ê, bide ber çavan.*

*Jibo ku doza girtina HDP'ê baştir were fêhm kirin; sedem û armancên wê û her wiha encamên potansiyel yê qedexekirina partîyê, Merve Tahiroğlu ya pispora POMED'ê ye, bi Meral Daniş Beştaş, ya endama HDP'ê re peyvî, parlementereke ku nunertîya bajarê Edeneyê dike û cîgira hev-seroktîya partîyê ye.*

## **POMED: Hikûmet çima hewl dide ku HDP'ê bigire?**

**Meral Daniş Beştaş:** Ez dixwazim bi bîrxistineke destpê bikim, hikûmeta AKP'ê bixwe ji du hewildanên girtinê yê serneketî (di 2002'an û 2008'an de) derbaz bû. AKP'ê di wan salan de, qala birinên bê derman yê ku bi girtina partîyan li Tirkîyê pêk hatiye, dikir. Her wiha, AKP'ê ev tecrûbe û gotar jibo guherandina qanûna bîngêhîn bi kar anî, ya ku di referandûma Îlona 2010'an de hat pejirandin, û bi qanûnên nû qirtina partîyên siyasî dijwar kir. Di rastîyê de, AKP bi armanca ku jibo tevahîya pakêta xwe ya guhertinên qanûna bîngêhîn, piştgirîya giştî bi dest bixe, ev mijara taybet ji xwe re kir bîngêh.

Pêvajoya girtina HDP'ê, bi rastî di Hezîrana 2015'an de destpê kir (piştî serketina xurt ya HDP'ê ya di hîlbijartinê de bû sedem ku AKP piraniya xwe ya dem dirêj ya li parlamentoyê wînda bike). Polîtîkayên xirab yê Erdoğan, destwerdanên hikûmeta wî yê dijî jîyana mirovan, bersîva wî ya ser xwepêşandanên Geziyê di 2013'an de, skandalên gendeliyê yê partiya wî û nêzîkatîya wî ya bi tevahî ne ji dil ya di derbarê pîrsgirêka Kurd de, bûn sedema wê encamê. Dengdêran di hîlbijartina giştî ya 7'ê Hezîrana 2015'an, wek bertekekî hişyarî dan hikûmeta AKP'ê.<sup>1</sup> Encaman nîşan da ku mirov naxwazin ku AKP bi tenê serê xwe welat birêve bibe—û ew HDP'ê wek aktorekî girîng ya siyasî dibînin.

Ji hînge ve, AKP bi polîtîkayên tolhildanê bersîva têkçûna xwe dide. Yek taktîk bînpêkirina girseyî ya mafên mirovan e. Bînpêkirina mafên mirovan yê berfireh yek ji şewazane ye. Qedexeyên derketina derve yê li heremên Kurdan, şewitandina mirovan di jêrzmînên bajarê Cizîrê de ku piraniya wan Kurd in, êşkencekirina laşên mirovên kuştî ji aliyê hêzên ewlekariyê, nîşankirina diwarên malên mirovan bi gefên kuştinê—tevahîya ev kiryarana dijî

“**JI [2015] VE, AKP BI  
POLÎTİKAYÊN TOLHIDANÊ  
BERSÎVA TÊKÇÛNA WXE  
DIDE.**”

1. Nota Edîtor: Di hîlbijartinên giştî yê 7'ê Hezîrana 2015'an de, AKP'ê piştî hatina desthilatdariyê ya sala 2002'yê vir ve, cara yek ê yekem car piraniya li parlamentoyê wînda kir.

xurtbûna HDP'ê, beşek ji bersîva partiya desthilatdar bûn. Wan hewl dan ku partiya me ji hundir ve hilweşînin. Piştî hewla derbeyê ya 2016'an erkdarkirina qayûman li şûna şaredarên me û girtina şaredar û parlamenterên me, mînakên vê nêzikatiyê ne.

Lê, tevî van politikayên zordarî yên tepeserkirinê jî, windakirina AKP ya li ser sindoqan berdewam kir. AKP'ê, ev yek di hibijartinên giştî yên di 24'ê Hezîrana 2018'an de (dema ku rêjeya dengên wê ji sedî 7 kêmtir bû û piraniya xwe ya li parlamentoyê winda kir), û di hibijartinên heremî yên şaredariyan yên 31'ê Adara 2019'an de (dema ku wê bajarên sereke yên mîna Enqere û Stenbol dijî partiyên opozîsyonê winda kir), dubareyî û jînûve dît.

AKP, îro di tevahîya politikayên xwe de rûbirûyê têkçûneke giştî ye, di serî de politikayên wê yên aboriyê. Bi sedema ku ew dibîne ku nikare di sindoqên dengdanê de biserkeve, ew hewl dide ku bi rêkê dij qanûnî, desthilatdar bimîne. Jibo hebûna xwe, partiya desthilatdar neçar e ku gel bê deng bike û zordariyê bi kar bîne. Hevdem, jiber ku AKP, HDP'ê wek hêzeke girse û nikare têk bibe dibîne, ew tûnekirina me armanc dike. Ew jibo têkberina HDP'ê, darazê wek amûrekê bi kar tîne.

**BI SEDAMA KU EW DÎBÎNE  
KU NIKARE DI SINDOQÊN  
DENG DANÊ DE BISERKEVE,  
[AKP] HEWL DIDE KU  
BI RÊKÊ DIJ QANÛNÎ,  
DESTHILATDAR BIMÎNE.**

### Ger Dadgeha Qanûna Bingehîn jibo girtina HDP'ê biryarê bide, dê encamên wê çi bin?

Girtina bi zorê ya partiyeke siyasî bê guman ewê zararê bide demokrasiya Tirkîyê. Kiryareke bi wî rengî rêbazek darbeyê ya eşkere ye. Her wiha, mîna ku pêşmînak nîşan didin, zarara ku jiber girtina partiyên çêdibe, bi rastî ne mimkun e ku were serrast kirin. Encamên demkurt, navîn û demdirêj yên girtina HDP'ê hemû yek in: siberojeke ya bi tevahî tarî. Ihtîmala girtina HDP'ê, tenê hibijêrên me eleqedar nake. Em bahsa tişteke dikin ku bandorê li ser tevahîya welat dike. Girtin ewê bandorê li kesên ku piştgiriyê didin hemî partiyên siyasî bike û heya ku ser kesên apolîtîk in. Girtina partiyeke bi îdianameyê ku qanûnê binpê dike ewê bibe dîyarkirina fermî ku li welêt edalet tune.

**KIRYAREKE BI WÎ RENGÎ  
RÊBAZEK DARBEYÊ YA  
EŞKERE YE. HER WIHA,  
MÎNA KU PÊŞMÎNAK NÎŞAN  
DIDIN, ZARARA KU JIBER  
GIRTINA PARTIYAN ÇÊDIBE,  
BI RASTÎ NE MIMKUN E KU  
WERE SERRAST KIRIN.**

Em vê xalê her dem destnîşan dikin, jiber vê yekê hinekî nixr û wateya xwe winda kiriye; lê, heke li welatekî edalet tunebe, wê demê welat jî tune ye. Dewleteke çiqas ji qanûna xwe ya bingehîn dûr bikeve, ewqas qanûnîbûna xwe winda dike; dibe dewleteke dij-qanûnî. Ger bawerî bi dadweriyê tunebe, bawerî bi aboriyê jî pêk nayê. Ev, tê vê wateyê ku her ku mirov pirtir bi zordariyê re rûbirû bimînin, hevdem ewê bi birçîbûn

û xizanîyê re jî rûbirû bimînin. Mafên mirovan dê bi tevahî werin sekinandin. Emê kaosa ku ji kaosa îro jî mezintir e, bibînin.

Heke HDP were girtin, aborî jî niha baştir nebe; ewê demokrasî tunebe! Berevajî, heke HDP were girtin, politikayên tepeserkirinê ewê li ser hemû aliyên civakê belav bibe. Ciwan, pîr, jin, zarok, astengber, komên kêmtir û tewra yên ku difikirin ku ew piraniyê temsîl dikin; her kes ji bilî Qesrê û hevalbendên wê yên nêz dê zararê bibîne.

## Ev doza girtinê dê kengî û çawa were rêvebirin? Dadgeha Qanûna Bingehîn (AYM) dê pêvajoyeke çawa bişopîne, hûn dikarin bi kurtasî bahs bikin?

HDP'ê di 9'ê Tîrmehê de îdianame wergirt. Bi normalî, yek meh mafê aliyê ku tê tawanbarkirin heye ku parastina xwe radest bike, lê ew dikare li gor çarçoweya îdianameyê zêde wextê bixwaze. Dadgehê 60 roj dem da me û roja parastina me wek 7'ê Îlonê diyar kir. Me, di 11'ê Tebaxê de daxwaza dirêjkirina demê kir, û dadgehê 30 roj zêde da me.

Li gor pîvanan, piştî em belgeyên parastina xwe radest bikin, Serdozgerîya Komarê ya Dadgeha Bilind ewê nerîn û gotara dewletê bi devkî li pêş dadgehê diyar bike û herî dawî emê parastina xwe ya devkî pêşkêş bikin. Piştî vê peyvajoyê, raportorê dadgehê dê notên xwe radest bike, û dadgeh ewê biryara xwe ya dawî bide.

Ger dadgeh biryarê bide ku HDP wek “navenda kiryarên dijî qanûna bingehîn” tevdigere, mîna ku di îdianameyê de tê gotin, ew dikare yan biryara girtina me bide yan jî alîkariya aborî ya dewletê ya bo partiyê, qedexe bike. Jibo van biryaran ji sêyan dudyê dangan pêwîst dike, tê wateya ku 10 ji 15 endamên Dadgeha Qanûnî divê bipejirînin.

Dema doza girtinê, girêdayî rojeva Dadgehê û radestkirina dema parastina partiya me ye. Her çend tê zanîn ku li pêş Dadgehê zêdetirî du salan e ku dozên girtinê hene, lê, di heman demê de mînakên dozên partiyên ku di nav 4 mehan de hatine girtin jî hene. Jiber vê yekê pêvajoya dadwêrî dibe ku bi salan, yan jî çend mehan bidome. Xala girîng ev e ku em nikarin pêşbînîyê bikin ka pêvajoyê ewê çawa bimeşe, jiber ku ev di bingeh de dozekî siyasî ye, ne hiqûqî ye.

EV DI BINGEH DE DOZEKÎ SIYASÎ YE, NE HIQÛQÎ YE.

## Li gor nerîna we ihtîmal heye ku Dadgeha Qanûna Bingehîn (AYM) biryara girtina HDP'ê bide?

Ev pirseke pir girîng e. Dema ku Dadgehê di paşerojê de biryarên pir dadmend û demokratîk daye, raya giştî jî dizane ku carnan dikare biryarên dijber û ne dadmend bide. Heke dadgeh biryareke dadmend bide, ewê partiyê negire. Ev bê guman mimkin e. Ev sazîyeke ye ku dikare biryarên dadmend û hûquqî bide—mîna ku me di bûyera (Ômer Faruk) Gergerlioğlu ya vê dawiyê de, dît.

DADGEHA QANÛNA BINGEHÎN XWEDÎYÊ DÎROKA QEDEXEKIRINA PARTIYÊN SIYASÎ YE.

Girîng e ku mirov vê yekê ji bîr neke, Dadgeha Qanûna Bingehîn xwediyê dîroka qedexekirina partiyên siyasî ye. Di 60 salên dawî de, AYM'ê 25 partiyên siyasî girtiye—û di nava vê hejmarê partiyên ku di bin rejimên leşkerî de hatine girtin, tuneye. Şeş partî li gor Qanûna Bingehîn ya 1961'an, û 19 jî li gor Qanûna Bingehîn ya 1982'an hatine girtin. Ji bilî Partiya Refahê, tevahîya van partîyan bi sedema “tehdîtîkirina yekîtîya axa welat”<sup>2</sup> hatin girtin.

Mijara girîng ev e ku Dadgeha Mafên Mirovan a Ewropayê (ECtHR) di her yek ji van dozên girtinê de, Dadgeha Tirkîyê neheq dît. Ev nîşan dide ku

2. Nota Edîtor: Partiya Refahê ya ku berîya AKP'ê hebû, di sala 1998'an de jiber “gefexwarina diji laisîzmê-laikperestiyê” hat girtin. Li Tirkîyê, cara dawî girtina partiyêke di 2009'an de pêk hat, dema ku Dadgehê Partiya Civaka Demokratîk (Demokratik Toplum Partisi) ya Kurd bi sedema “gefîkirina diji yekîtîya axa Tirkîyê kir” qedexe kir.

Dadgeha Qanûna Bingehîn her dem biryarên çewt û îdeolojîk yên dijî normên dadwerî yên cihanî daye. Bi rastî, di tevahîya belgeyên qanûnî yên Tirkîyê—Qanûna Bingehîn, qanûna cezayê, qanûna tawanana, qanûnên terorê, qanûnên hîlbijartinê, û yên din—de mixabin pîvanên ku demokrasîyê asteng dikin û heya ku siyaseta demokratîk nemimkun dikin, hene.

Hevdem, eşkere ye ku Qanûna Bingehîn di bin gef û zexteke mezin ya hikûmetê de ye. Doza me li aliyekî, daxwaz hene ku Dadgeha Qanûna Bingehîn bixwe were girtin. Lê, gotina dawî ya ku ezê li ser vê bibêjim ev e ku ger AYM ji rêka hiqûqê derkeve û girtina HDP'ê hîlbijêre, wê hingê bila têkçûyîna xwe dîyar bike.

### Ewrûpa di vê pêvajoyê de dikare roleke çawa bilîze?

Pêşî divê em lê binêrin ku Peymana Mafên Mirovan ya Ewropayê (ECHR) û ECtHR, ya ku pîvanên ECHR'ê bi cih dike, di derbarê girtina partîyan de çi dibêjin. Benda 11'an ya ECHR'ê azadiya rêxistinbûnê diparêze, û benda 10'an azadiya derbirinê diparêze. Girtina partîyeke tê wateya sînardarkirina van azadiyan. Û tekane sedema qanûnî ya vê yekê ew e ku heke jibo parastina civaka demokratîk kiriyareke wiha pêwîst dike yan nake ye.

Xala girîngtir jî, ECtHR dîyar dike ku partîyên siyasî jibo ku demokrasî bi rêkûpêk bixebite, şewazeke rexistinbûnê ya bingehîn e, û jiber vê ew sedemeke xurt ya ku bi taybet di dozên girtina partîyan de pêwîst dike ye—ji dozên girtina rexistinên sîvîl jî pirtir. ECtHR xwediyê dîroka darizandina dijî girtina partîyan e, û nava biryarên wê yên herî girîng de Tirkîyê heye.<sup>3</sup>

Di vê navberê de, Komîsyona Venedîkê (yan “Komîsyona Ewropa ya jibo Demokrasîyê bi rêka Hiqûqê”), saziya sereke ya şewirmendiya ya Konseya Ewropayê (CoE) li ser mijarên Qanûna Bingehîn jî, dijî tawanbarkirina partîyên siyasî bêyî sedemeke xurt, hişyarî da. Komîsyona Venedîkê, pêwîstiya parastina azadiya derbirinê wek mafê partîyeke demokratîk ya di derbarê guhertina qanûna bingehîn ya welat de, destnîşan dike. Jibo partîyên siyasî ku li rêkên guherînê bigerin yan tewra şewaza rêxistinbûnê ya bingehîn ya dewletê ku heyî jî nîqaş bikin, hêmaneke sereke ya demokrasîyê ye.<sup>4</sup>

Bi kurtasî, ECtHR saziyek e ku di derbarê dozên girtina partîyên li Tirkîyê biryara bînpêkirinê peymanê ECHR'ê daye. Li ser bingeha vê rastiyê, Ewrûpa divê prensîbên xwe yên siyasî biparêze. Hevdem, Tirkîyê endamê Konseya Ewropayê ye û jibo endamtiya Yekitiya Ewropayê (EU) berbijêr e. Jiber vê sedemê, bi cih anîna biryarên ECtHR'ê jibo Tirkîyeyê mecbûrî ye. Her wiha jibo welateke ku dixwaze bibe endamê Yekitiya Ewropa, şopandina pîvan û biryarên dadwerîya wê saziyê yên di derbarê girtina partîyan de pêdivî ye.

**JIBO PARTÎYÊN SIYASÎ  
KU LI RÊKÊN GUHERÎNÊ  
BIGERIN YAN TEWRA  
ŞÊWAZA RÊXISTINKIRINA  
BINGEHÎN YA DEWLETÊ  
KU HEYÎ JÎ NÎQAŞ BIKIN,  
HÊMANEKE SEREKE YA  
DEMOKRASÎYÊ YE.**

3. Ew dozana: Doza 30'ê Rêbandana 1998'an ya Partiya Komünist ya Yekgirtî/Tirkîyê (Birleşik Komünist Partisi/Türkiye); Doza 25'ê Gulana 1998'an ya Partiya Sosyalist/Tirkîyê (Sosyalist Parti/Türkiye); Doza 8'ê Mijdara 1999'an ya Partiya Azadî û Demokrasîyê/Tirkîyê (ÖZDEP/Türkiye); Doza Yazar ya 9'ê Nîsan'a 2002'ya/Tirkîyê; û Doza 13'ê Sibata, 2003'ya Partiya Refahê/Tirkîyê (Partisi/Türkiye).

4. Nota Edîtor: Ev referanseke ye ku dozgerê di îdianameyê de dibêje ku HDP dijî yekitiya axa Tirkîyê gefê ava dike, bi îdaya ku piştgiriyê dide veqetina Kurdan, destnîşan dike. HDP parêzvanîya veqetina Kurdan nake; lê, ew bi rengekî xurt piştgiriyê dide desentralîzasyonê û xweserîya herêmi ya li Tirkîyê.



## Amerika di vê pêvajoyê de dikare çi rolê bilize, dikare çi bike?

Bi destpêka hatina ser kar, Serok Joe Biden ji civaka navneteweyî re dîyar kir ku rêvebirîya wî ewê siyaseteke derve bişopîne ku pêşîtiyê bide mafên mirovan û demokrasiyê. Dîyar e ku ev doza girtinê wan nirxan rasterast binpê dike. Ev bendewariya civaka navneteweyî ye ku Dewletên Yekbûyî ewê prensîbên xwe biparêze û politikayên xwe yên mafên mirovan zelal bike.



**MERAL DANIŞ BEŞTAŞ** cîgira seroka koma Partiya Demokratîk ya Gelan (HDP) e û Parlementera Sêrtê ye. Ew parêzereke mafên mirovan e û di paşerojê li pêş Dadgeha Mafên Mirovan ya Ewropa (ECHR) parastina gelek dozan kiriye. Beştaş, di salên berê de, wek rêvebira Rexistina Efûyê (AI) şaxa li Tirkîyê kar kiriye. Her wiha, Beştaş wek rêvebir û cîgira serokê revebirîya Baroya Diyarbekirê (Amed) û mîna berpîrsa Navenda Şewirmendî û Serlêdanê ya Bo Mafên Jinan, xebitiye. [@meraldanis](#).



**MERVE TAHIROĞLU** koordînatore bernameya Tirkîyeyê ya POMED e. Merve li Stenbolê ji dayik bûye û mezin bûye, MA ji Zanîngeha Georgetownê MA û Dîrok û ji Zanîngeha Duke ji BA di Zanistên Siyasî de lîsansa xwe girtiye. Ew di heman demê de endamê Foruma Demokrasiyê ya Penn Kemble ya Neteweyî ya Weqfa Demokrasiyê ya 2020-21 e. [@MerveTahiroglu](#).

**PROJE LI DEMOKRASIYA ROJHILATA NAVN** rêxistinek ne partî, nehfandî ye ku bingeha wê li Washington, DC ye, ku ji bo vekolinê ye ka çawa demokrasiyên rastîn dikarin li Rojhilata Navîn pêş bikevin û Dewletên Yekbûyî çawa dikare herî baş piştgiriya bide wê pêvajoyê. Weşanên lêkolînê yên POMED analizên kûr, orijînal ên geşedanên siyasî yên li Rojhilata Navîn pêşkêş dikin ji ber ku ew bi perspektîfên demokrasiya rastîn li herêmê û bi siyaseta Dewletên Yekbûyî yên Amerîkayê li ser demokrasî û mafên mirovan ve girêdayî ne. Bi diyalog, lêkolîn û parêzvanîyê, POMED ji bo xurtkirina qada hîlbijartinê ji bo politikayên Dewletên Yekbûyî yên ku bi aşitiya piştgiriya dide reforma li Rojhilata Navîn dixebite. Nerînên ku di weşanên POMED de têne gotin yên nivîskarên in û ne mecbûr in ku nerînên POMED nîşan bidin. Ji bo bêtir agahdarî, ji kerema xwe bi Cîgirê Rêvebirê Lêkolînê Amy Hawthorne re têkilî daynin [amy.hawthorne@pomed.org](mailto:amy.hawthorne@pomed.org). [@awhawth](#).

